

四庫全書

集部

欽定四庫全書

鄱陽集卷十

宋 彭汝礪 撰

律詩

送虞資道赴闕

睿詔搜遺逸羣英恥屈蟠
荆邦收齒革雍土貢琅玕
競擲莘耕耒俱投渭釣竿
茅雖征以彙鴻獨漸于磐
直氣凌鵬鷺芳名掩蕙蘭
處囊雖穎脫辭獄劔鋒寒
子去歌魚藻子歸詠考槃
別離一慷慨涕泗兩汍瀾
第喜青雲

近無傷去路難

送吳子正赴召詩

并序

熙寧六年仲春之月吳子正赴召而運判太
傅通判職方七人餞別于開福寺退登禪悅
堂觀白蓮池道明心亭出游嘉會會春二園
至流盃亭泛舟出史湖而竊嗟嘆方馬氏盛
時其意氣之驕遂欲以力窮極天下之奢侈
而百年之間廢棄殆盡相與嗟嘆久之薄晚

飲使光亭酬酢歡甚然終不及醉太傅言曰
吾儕平時日役于簿書而開福會春嘉會皆
長沙勝觀蓋未嘗一到而今日之游乃實得
于邂逅之間豈不幸哉請賦會春送別吳子
正分題字為韻探得吳字

主上登前烈宗承用老儒飲冰宵去楚衣錦晝歸吳餞
別成游寺乘歡更泛湖固難逢邂逅能復惜踟躕道路
春初好山原日未晡雲中山隱約野外水縈紆洒落傾

賢範荒淫看伯圖故園餘壯觀遺址入荒蕪檜柏高千
尺松杉葦萬株輕風花散漫細雨草沾濡簿領容休暇
形骸外繫拘縱橫碁有力禮樂酒無踰一鷄冲高漢雙
輪上坦途道塗留絕詠宣室得明謨自昔行猶蹇于今
用可需願言思本末無用較鉛銖仕路誠相照年家契
自殊幾成嵇叔懶敢謂孟軻迂陋學真膠柱危蹤近跋
胡應須寄珠玉方願刻肌膚

送劉器之待制知真定府

時平謀帥重侍從，名卿龍種三千騎。虬髯十萬兵，紅蓮王儉幙。細柳亞夫營，列道諸侯謁。還鄉故老迎，試詢三將宅。應過五梁城，莫樂潭園勝。難忘魏闕情，守株嗟我老。杖鉞壯公行，祇恐非朝夕。君王召賈生，相如頗收三將皆家趙竄宇記云，今宅皆在。

城上懷古

水漲藏舟浦，雲浮偃月城。寒蕪隨地遠，漫水與天平。險阻生姦偽，乾坤入聖明。杖藜登絕徑，談笑不忘情。

題外舅評事秀實堂

地勝風長暖堂開美亦并溪聲留几席山影上簷楹田
野多真趣詩書足義榮本根今日好華實看俱成

江上晚起

水昏如欲雨霧落復非雲浩蕩重波隱微茫小岸分大
明瞻日曉微暖報風熏隱約廬山寺孤鐘續續聞

答吳節推

吳子新詩好輕容俗吏傳之蘭元自秀騏驎不須鞭萬

象生塵外千林宿水邊欲歌無意緒甘讓古人先

和白酒

村醪薄滋味市俗固安便鄴水東湖咏青囊杜甫錢宴
遊知有地塵俗自非仙我醉非關飲昏昏坐欲眠

和思歸

嗟予苦山野愛子有光輝飽學詩渾好多愁慮益微幙
中方倚辨江上可言歸況有高風便行看俊鶻飛

和春城北

何曾看好春已復見春深水漲千溪綠松低一路陰薄
書淹世態難忝亂鄉心莫廢清和飲枝頭李可沈

和晚北園

天氣非相逼東風已自歸樂游終少及世事故多違桃
杏春如在溪山暑尙微早期荃楫泛蘋縱角觴飛

和自遣

春花競狼籍暮鳥學啁嘲勁節松千尺奇文鳳九苞杲
之蓮府客嵇紹竹林交欲看歸廊廟胡然憶舊巢

祖道京淮道中酬唱

旅中人遠別河上酒頻行
暖日開花信高風去雁聲
庭幃甘菽水魏闕望瑤瓊
應答詩慚拙猶能慰別情

和祖道國門外文淵子至東父餞席上贈別

行李隨長道飄蓬笑賤官
望雲瞻白日臨水看驚瀾
鳥語如知節花開尚怯寒
莫嫌春色淺留到後園看

沈一惠詩次韻謝之

世途羞困辱不復顧交情
衆稚憐張載諸公厭禰衡
仁

心矜廢物佳句寫真誠喜悅驅車至思心正若紫

次靜長老韻

性火方能熄心燈不復挑猿聲傳古穴柏實落枯條闌
寂苦無寐淋零已半宵更深寒愈重慵解束薪燒

入桐廬道中

學問古人重英豪世所歸呼奴整軒駕拭淚別庭闈久
雨路岐澁荒村草木稀城闌頓相遠回首一依依

馬上

馬上值寒食途中非故鄉山川勞跋涉風雨助悲涼
樹鳥相語幽林花自芳不辭趨道路多愧負春光

風雨

風雨恣顛蹶晚潮相繼來輕舟一葉轉巨浪千山顛
忠信吾知矣風波孰病哉寒江幾百里白雪正皚皚

逢姜二兄

閒寂桐江地羈栖遠客魂別家驚節換此意與誰言
忽爾聲容際悠然信義存此時皆逆旅何日共歸軒

去桐廬學

中庸方自樂外慮巧相侵興廢盡天意行藏非我心
淚因鷺谷亂愁為鵲原深日暮途方遠誰賡馬上吟

與蔣十二

了立羈窮際相逢邂逅間交游新氣染塵土舊容顏共
指青雲遠同分白日閒區區交友志松柏滿南山

日暮

日暮辭前渚天寒宿遠汀青燈同寂寞濁酒慰飄零痛

飲無人共高歌反自聽終宵惟此興日戰破愁亭

送元博縣丞還浙忠甫沈翊還都陽

汴水晝夜落客心朝夕飛君舟雖獨往吾夢亦同歸山
色藏星渚風清夢釣磯樂遊難並得人事固多違

再寄穎叔一首

山林問舊題

穎叔逐處多有舊題

州縣見餘威

穎叔去年冬行興國

求友誠

相及思親夢遠歸丁丁聞伐木密密看縫衣但自心猿
伏如它翼虎飛

同許屯田子仁宿圓通寺

遠水猿谿古孤峰石耳懸
慈悲開一徑智慧出雙泉
大士車乘鹿幽人社結蓮
欲知今邂逅猶是昔因緣

再和子仁

祇見塵埃遠還疑粉繪懸
淡雲寒對月幽石靜聞泉
潤澤作甘雨汚泥生白蓮
五更催解轡知未悟塵緣

到慈湖九江有感

昔赴長沙幙初經彭蠡湖
所天正強健此地稍踟蹰
杖

履今何在谿山祇自如
白頭雙血淚一夜落深蒲

二

繫舟此地昔徜徉
楊柳今時更老蒼
却望靈芝西北路
秋風吹淚滿滄浪

徐亭泛舟 二首

萬葉烟雲上千花
錦繡中停舟不忍發
為恐破圓紅
晚雨軒窗潤秋風
池沼香愛花不忍折
恰似惜甘棠

自臨川泛舟還歸因假前韻寄粹老提舉朝議

兼簡知府龍圖丈

村郭孤烟暝溪山片月斜
吾生渾是客所至即為家
春色生顏面寒泉遶齒牙
歸與須載酒一笑慰天涯

二

舟行朝市隔恣意看溪山
天地青春遠江湖白日閒
偶隨鷗獨往却與燕俱還
時節清明近應須屢破顏

三

道路不得已簡書無奈何
啼鶯思舊友流水憶清歌
江

漢心尤愜田園興轉多西山春咫尺游思欲捫蘿

四

匹馬千山遠扁舟宇宙寬歲華春已仲時節食初寒稍
憶碁爭勝還須飲盡歡使君如見問行李已河干

將行李自鄱陽來

伯也別何遽叔兮來未央水流心去遠月靜夢歸長細
雨濕萱草高風吹雁行幾時生事足相看老耕桑

得書并簡仔仲二侄

近得江東遞連收十月書歲時今已晚安否比何如從
事先生老謀生仲叔疎為君歸不惜稍更治田廬

二

遠宦非予欲浮生如此何幾時俱省定終日念漸摩流
水嗟蓬轉青雲喜雁過寄書盈萬字不似淚痕多

途中

小人故懷土游子更思鄉里堠經雙雙郵亭宿短長暮
棲烏反哺春去雁隨陽亦有一廛宅能無十畝桑

正月初三日送叔宜弟初離襄陽

月魄纔生夜春風恰及時
異鄉愁對酒深院靜論詩道
路嗟吾老雲霄恨汝遲莫言明日別徒益鬢邊絲

送叔宜

地近梅開早溪深柳放遲
可憐春到處恰值汝歸時
衰晚疲奔走羈棲恨別離
祇應明夜夢千里亦相隨

寄庭佐

久別隨蓬草相思看雁行
水流心去遠月靜夢歸長
盡

力耕南畝怡顏侍北堂曾參君不及可以似王祥

病懶

原憲自多病長卿仍倦游經旬或洗面一月不梳頭身
世真羈旅功名是贅疣百年無可問吾道合歸休

陳師道教授示黃梅詩次韻呈正夫學士

四首

美色絕殊衆暗香時著人齊州

中州也

終自別不比嶺頭

春

可但深宜晚須知巧耐寒北人渾未識祇作棣棠看

舊作酴醾白新翻蛺蝶黃不須多變態固自有真香
不獨看花懶吟詩味亦忘此花誰可賦顧曲有周郎

大小沙陀

南障古北口北控大沙陀

北界自古北口始險阻過小沙陀大沙陀即受禮處土

地稻粱少歲時霜雪多古來常用武今日許通和豈乏
驃姚將君王悟止戈

又

大小沙陀深沒膝車不留蹤馬無跡

沙陀沙深處車馬過亦無跡

曲

折多途人盡感自上高岡認南北大風吹沙成瓦礫頭
面瘡痕手皴折下帶長烟蔽深驛層冰栽栽霜雪白狼狼
鳥行愁覆溺沿河踏冰上每日為常一日不能行一驛吾聞治生
莫如嗇

送鄭寺丞過洪州

盛德鴻樞後才華日久新聲名飛海岳步履望星辰
砮銳如無敵詩成似有神當塗難久滯行楫桂花春

清風不可近，碎壁綴圓規。
翰墨傳家學，風流蘊素資。
龍孫藏舊節，蟾桂毓新枝。
願聽功名起，青雲慰所思。

三

恨接清規晚，愁看去鷁東。
別情萬里遠，離緒一尊中。
柳意藏春雪，梅香度曉風。
餘寒須有作，無惜寄江鴻。

四

聞君話行色，今過洞中天。
坐視征帆速，還令別意牽。
重江鎖雲霧，邃谷隱神仙。
不得相追逐，詩成一洒然。

和漢廣席上賦柑

秀色霜滋重餘香露洽鮮鵠巢靈穀媚海窟夜珠圓丹
橘非優貢蟠桃亦浪仙無嗟後林質未至太清天

和蔣孝嚴江行

江為雨頻增浩蕩物因霜重益淒涼千年老木戰風色
萬里澄波浮日光梅萼半紅渾臘意麥田微綠已春陽
欲留佳賞無樽酒空引詩魂百尺長

諸君江步以病不能從走筆寄之

煩君仔細數江巒風物如今摠幾般永夜水聲應自得
新秋月色好誰看沙禽靜斂雙飛翼魚艇空餘一釣竿
詩力有窮情不盡更憑收拾向毫端

登樓

縹緲飛樓倚太清危欄一瞬盡滄溟世途忽忽與時異
水色溶溶依舊青帶礪固應歸禹甸羽干何事阻虞廷
草萊賤策無津致空想秋風涕泗零

到醒心亭

萬里江湖逐斷萍紅塵不見北山亭一思好景心魂醉
纔挹餘芳眼目醒寒暑忽移佳木綠古今長見遠峰青
烟蕪路斷無窮盡空惜琅邪舊記銘

醒心亭記鄒陽
劉賢良為之

日影

日影昏冥雨力微扁舟欲往浪沾衣不甘落葉東歸去
空羨征鴻北向飛俗惡懶經沽酒市身閒欲臥釣魚磯
祇疑風色相欺得繫滯塵蹤未許歸

呈劉推景仁

萬里依依欲見君，浪煩車馬走乾坤。
頻經患難心方老，久厭塵埃眼欲昏。
幾日不歸南郡帳，清宵長夢翟公門。
側聞丹詔從天下，願借春風起舊根。

送臧夢符秀才歸

匹馬駢駢冒曉征，故人惜別涕雙零。
青雲器業方千里，窮巷生涯獨一經。
節目已疎非杞棘，源流不竭即滄溟。
餘閒且盡詩書學，莫遣塵埃誤性靈。

溪畔

塵緒紛紛今少休更須一去弄溪流清風滿木春纔半
落日明波雨乍收懶逐山林羣野鹿欲歸江漢狎沙鷗
藻疎菱密吾雖羨未忍敲針作釣鉤

與梅秀才游安師池亭賦詩

炎天自欲沈朱李詩社初欣見素梅綠柳薦風消酷暑
青荷飛雨濯塵埃牆頭竹影紛紛出水面菱花細細開
拍手浩歌情不盡笑君佳句泥流盃

重至

亭臺池沼皆依舊惟愛清風日日新
念遠恨無雙羽翼
臨流安得一絲綸
好花有意重留客
幽鳥無情亂惹人
滿眼澄光清可賦
與君無厭往還頻

出關寄資道

草色萋青花色殷
獨乘微雨度重關
鵬鷹不死蓬蒿際
騏驎方懷道路間
千里未能通咫尺
一毫安敢望丘山
韶華欲老功名遠
臥想清風輒厚顏

平居多憂多病間
從詩酒自樂即席為詩呈諸

友且寓一時之懷也

不惜千金換酒醪，為君窮力賦離騷。乾坤盡入雙吟眼，

日月都歸一醉毫。

此壬寅歲夢中所得之句，比處用之。

平昔至誠傾蓋契，

昨宵游夢得鸞臯。窮途知負經綸器，爛醉西風首重搔。

炎暑

炎暑半歸天，早涼日陰苦。短夜初長，風清月白已秋意。

海角天涯非故鄉，無賴分為多病叟。有情還作一詩狂，

溪聲汨汨東西去。南北游人欲斷腸。

和君時十二弟

漂泊東南天地間
分明身世似乘船
此生去住摠未定
所值險夷皆偶然
載酒縱隨紅芰飲
移床深近白雲眠
知君獨處多幽趣
詩軸今成第幾編

次皇甫子仁老杜詩韻

少陵氣忠勇
毫髮見聲詩
衛稷心丹破
窮途鬢雪垂
兵戈靈武道
風雨未陽時
不及明君用
空餘後學悲

冬寒圍鑪以題為韻得寒字

道路冬無雪山原臘始寒平林風力疾落葉雨聲乾冰
玉詩腸瘦江湖酒思寬庭幃即予樂不必事盃盤

和濟叔冬字

雨聲傳到耳

一作半夜

雪意盡窮冬氣味閒相愜形骸病見

攻冷呵詩筆凍寒啜酒醅釀且劇紅鑪飲行聞古寺鐘

和庭佐弟韻

鴻雁飛雲際珪璋照座隅喜心看欲雪佳句續圍鑪蕭
洒開書帙清狂泥酒壺雲霄非萬里行看步夷塗

呂睦仲赴詔以病不及送作詩與之

埃塵留病枕霜雪聽晨征
出谷鶯聲早飛雲鶴翅輕
寒郊亦常日物色自離情
二月春風信期君萬里程

分題得思字韻寄甯文淵

風雪今之夕湖山百爾思
欲歌鶯谷意不忘鵲原詩
臘意生梅萼春容動柳枝
塵埃一千里歸夢自遲遲

和濟叔小飲韻

島嶼風迴北滄溟月上東
苦吟詩眼碧小酌病顏紅
城

近更籌數天寒斗柄中且安顏巷陋無泣阮途窮

和潤之苦吟韻

諸公敏酬唱頃刻聽詩成夜月留寒影春花落細英更
須洗塵滓莫使汚晶明君看少陵格篇章句句新

和庭佐觀射

勇士環雲幟將軍臂角弓三狐斃林曲一雁落雲中百
步風爭疾千夫膽喪雄更須洗穰莠歸凱上邊功

夜坐

日夕孤蟾上天寒萬象低苦吟聞夜漏端坐聽晨雞大道非無逕青雲自有梯更須極幽隱慎勿嘆羈棲

和君玉林字韻

晚日牛羊舍清風鳥雀林山蹊頻下上天色屢晴陰縣令三鄉念君王萬里心事功非翰墨酬唱故相禁

龍泉

秋風入野涼吹散菊花芳萬里無人處千枝祇自香風流憶彭澤時節念重陽物意雖寥寂能忘酒一觴

得老兒到葉縣書寄君時

野店雞啼處平安信息來搖旌心未穩披霧眼先開未
敢言曾子猶能學老萊分陰須愛惜好為補南陔

夜坐家人乞詩

憔悴蓬門學塵埃布褐身一官偶今日相顧守吾貧上
國恩波重高門鬢雪新豈無忠孝論子細遺良人

白彪馳寄君時

橫踰紫芝路徑赴白彪期翼翼馬爰飭伾伾車載脂山

川道云遠日月來何遲立語言不盡不言君自知

和君時予未至君時言有羣鵲集檐

舊重千金諾元為五日期水清冰破玉巖潤石凝脂命
駕不嫌遽舍車空悔遲多慙無道力有往鵲先知

和君時約誼甫先生游龍泉失期

昨夜天文靜重雲宿少微客游還不值人事故多違照
月雙泉落凌風一雁飛山川雖往復難值夢魂歸

吏部閣子前有千葉菊因酌同僚口占一首

一花幾千葉千葉一時開曉露紅雲拂春風舞雪回薄
言酌我酒亦道賞花來自是蘭臺勝桃源安在哉

漁艇

物物非吾事飄飄寄此生江湖萬古樂簪紱一毫輕醉
舞秋風靜酣歌夜月明滄浪有餘地應許濯吾纓

馬上見蜀山

明日催今日長亭間短亭久流淮水遠喜見蜀山青天
地飛飛雁江湖泛泛萍欲知後夜樂罇酒上親庭

曉步

我冠出林藪策杖濟泥塗山迴迷三島溪長念五湖歸
雲靜寒谷落日憇平蕪獨樂無羈束低回媿野夫

道傍松竹

細細松千葉紛紛竹萬枝寒聲落幽徑碎影出疎籬冷
逼風霜勁清含雨露滋不須稂莠念自有歲寒姿

欲雨

雨勢將霽霈風聲自嘯號柳眉含綠淚花臉膩香膏厚

澤宜蘓物微寒怯減袍詩成歡不足終擬醉春醪

新晴

一雨淒涼夜羣陽發育春風雷驚舊蟄泥滓倦行人花
秀千家園波添數尺津新晴何處好郊外草如茵

贈潘山人

病臥滄江側驚逢長者車亦如齊扁鵲能起蜀相如惠
飲囊中藥功窺肘後書微吟贈行色猶勝百車渠

過揚瀾

路入揚濶險心魂獨惘然秋風浪飛屋春雨水彌天一
葉漁翁艇千鈞客子船相爭蝸角利平地看深淵

曉起

清霜羣籟息淡曉一星留野竹寒方翠溪雲夜不收月
明山路逕霜濕布衣裘羈旅令人瘁衰羸亦自羞

春風

三春含造化一雨洒空虛寒色宵無定輕陰晝未舒亭
臺花色重道路馬蹄疎燕雀乘風便應言莫我如

驚馬

我馬固非俗不時今亦驚晨征盡迂逕夜食一乾芻憔悴千金骨遲迴萬里途無人拂衰朽矯首獨嗟吁

途中有感

維機闐江海輪蹄溢道途微晴困炎暑一雨厭泥塗天意自虛淡物情空嘆吁是非今可卜吾意獨何虞

去桐江

去去不遑息栖栖何所歸紅塵傷客髮白露點征衣風

雨晴時少山川平地稀夢魂留不得一夜到庭幃

病題桐江

嘆息醫工拙矜嗟舊疾牢衰容雖凍雀烈氣尙驚濤
羈旅雙蓬鬢塵埃一布袍遠鄉滋味惡空益夢魂勞

和游龍泉寺

林邊竹枝子問法即心王氣挹千山秀風吹萬室涼
靈泉通潤澤幽鳥恣回翔雨雪翻天地看瞻愛有常

先赴東流因寄虞蔣諸君

相愛不能去欲行還復留山川蕩行色風雨結離愁紅
日千山曉清霜萬木秋回頭望車馬目斷白蘋洲

二

我行已南北君跡尚西東車馬到雖晚道途終不同山
川新霽雨天地正秋風有暇詩應作無忘草野中

途中作

窮冬尚羈旅行色太淒涼白雪園林好紅塵道路長暮
雲寒不散斜日淡無光夜宿溪山靜清風滿肺腸

次虞遜臣江行韻

步繞林泉側襟懷一洒然酒醒昏易析詩癖老難痊
閑息無塵地寒生欲暝天願期明月到同枕碧溪眠

次張瑞甫貪飲韻

霜濃溪水縮雨過竹風多久病予無賴微吟子為歌
遠心傾塞雁窮緒委江波貪飲祇如此世人誰復過

寄題晏無黨少府

身逐塵埃際心迷道路間無聊長臥病未老已衰顏
竟

日千憂結何時一息閒空勞中夜夢繞盡夕陽關

倒押前韻


吾生何獨擾世事欲相關願去紅塵穴同分白日閒詩
賡幽意緒酒衰病容顏尚有松筠意相期霜雪間

酬熊君惠詩

扁舟去江海邂逅得相親趨向亦非俗塵埃知有人我
心雙古劒今日獨飄萍空愧詩中意相期重濟民

寄庭佐弟與閏之同作

狂風朝不定急雨暮相連麗澤已春意濃寒猶臘天紅
鑪雙酒艇清夜一詩篇不見東江客臨風意惘然



鄱陽集卷十

欽定四庫全書

集部

鄱陽集卷十二

詳校官庶吉士臣范逢恩

檢討臣何思鈞覆勘

總校官編修臣王燕緒

校對官助教臣卜維吉

謄錄監生臣張同履

欽定四庫全書

鄱陽集卷十一

宋 彭汝礪 撰

絕句

至雄州寄諸弟并呈諸友

馬頭今日過中都到得雄州更有書
道路莫嗔音問少
天寒沙漠雁全疎

又

沙陀行盡見南山過却中京更少寒
欲寄梅花無處覓

祇將書去報平安

子育見和前韻因寄君宜弟

滎陽知汝已還都未得陳橋別後書
頭髮不干霜雪事冬來一似草彫疎

又

東風吹雪滿千山便似江南料峭寒
天意人情終是別漸知風日近長安

和國信子育元韻

雪餘稅馬立孱顏望盡南垂北際山一段黃雲凝不散
北人說是瓦橋關

又

曉起南山暮北山夜深歸夢祇山間山中亦有流泉好
不許行人洗病顏

又

聞道朝正使入關殷勤試托寄書還逢人若問今何許
已過金鉤第一山

又

山谷冥冥風怒號故吹霜雪上綈袍
風波末路嗟奚拙
露電浮生笑自勞

又

傍火時尋柏子燒青燈笑語夜寥寥
殊方更喜人情好
長日不知山路遙

再和子育

易水涿山無苦寒燕南本是舊家山
山頭更覺堯雲近

玄鳥徘徊望漢關

二

將軍誓願斬樓蘭
涕淚橫流盃酒間
紫氣劍埋終未試
黃金印大亦何顏

三

朔風白晝不勝寒
清曉馬行霜雪間
縱目還經望雲嶺
傷心不見採芝山

四

手拈弓箭膝橫刀著盡君王賜戰袍語及靈州心欲碎
使軺今日敢言勞

五

氣血畏寒身畏勞養生曾去問參寥我今與子俱錯計
霜雪正嚴山正遙

過右北平

太平天子不言兵擁節來經右北平論將無人思李廣
笑談樽俎倚儒生

望雲嶺

自古北口五十里至嶺上南
北使者各置酒三盞乃行

人臣思國似思親忠孝從來不可分更與諸君聊秣馬
儘登高處望堯雲

過墨斗嶺聞鳥聲似子規而其形非是

有鳥羽毛非子規向人如道不如歸使輶不用君多勸
未到歸心已似飛

湖湘路中見梅花寄子開

追誦寒梅佳句新東郊平昔與迎春今時獨賦雲巖路

目斷蓬萊高閣人

二

萬木低徊冰雪辰
寄聲憑爾急催春
即看苑囿芳菲遍
還見池臺歌舞人

三

不問蕭條風雨辰
一花自與物為春
如雲不比東門女
若雪豈非姑射人

四

滴葉開花妙入神
酥盤憶看北堂春
瀟湘此日堪腸斷
隨處幽香莫著人

五

折得寒梅自水濱
恰如去歲在宜春
瀟湘不見江南客
祇有花枝似故人

六

眼看梅花愁更新
到頭不似故園春
風前一片花飛落
節物匆匆更感人

七

沙村飛雪白於雲
野岸寒梅已放春
詩興鄉愁俱不奈
江邊愁殺杜陵人

和正仲提舉

兀坐形忘入眇微
泊然無事亦無思
箇中若得真消息
先報維摩長者知

二

一絲急急一絲遲
觸物蒼茫若有思
流水高山新作操

十年留待伯牙知

三

萬事縱橫似亂絲
道人莫道便無思
五湖風起浪如屋
祇問鸕鷀知不知

四

峴首人亡無限悲
高陽客散有餘思
急來相就一游樂
明日東西渾未知

五

十年祇有一鍾期
淚落相望百爾思
寂寞廣陵無復見
崩騰霖雨幾人知

真州江亭

潮落淮風怒不收
昇州一日到真州
多情楊柳能青眼
底事波瀾亦白頭

林亭

禽魚慣熟見歌舞
池沼亭臺應是家
物物眼前渾自好
不須更種芰荷花

雲蓋寺談空亭

天地空空無一塵談空可惜枉勞神欲知空外談空者
恰似夢中占夢人

雨寄君時弟

朝霧蒼茫暮雨低恰如梅子欲黃時三分半是行人泪
莫怪行人髮已絲

又

燈前微雨惜黃昏想費慈闈夜倚門知汝悅親能有道

不應惟種北堂萱

李廣

非薄今人愛古人
今人祇說李將軍
英雄豈遂無如廣
嘆息寥寥久不聞

長垣路中

鳳鳥不鳴今幾時
太平今日合來儀
湖塘羽族多如雪

恐是當年養鶴池

長垣春秋時衛地漢為長垣縣不知名所自舊匡我皇朝避太祖諱復今

名縣北有鳳亭鄉云常有鳳集于此鶴城在縣北云衛懿公嘗養鶴于此有秦鶴城

歸次雄州

雁奴到日人初別
燕子來時我亦還
馳馬直登山絕頂
爭圖先見瓦橋關

顏子

孔門弟子數三千
高弟惟稱七十賢
用舍行藏誰與比
當時獨許一顏淵

又

高才獨立聖人門
千載巍巍道愈尊
試讀塵編問遺事

終身不及百餘言

和履中學士上元有作

樓頭星斗爛文章錦繡中
焚百和香月似中秋燈似晝
總將明德奉吾皇

二

燈火能催萬物春花間蜂蝶已繽紛
太平會與民同樂
總道吾君是聖明

三

市廢商廛野廢畊通宵笑傲樂昇平樓前樂奏九成曲
樓下人呼萬歲聲

四

珠翠雲隨鳳輦行重樓截臬與天平春風不禁宮中事
吹落珠簾笑語聲

二月己亥曉出代祀高禩

淡雲斜月曉昏昏風物遲迴認故園竹葉密藏林下寺
桃花低映水邊村

二

裊裊溪邊楊柳絲紛紛牆外小桃枝流鶯恰似無機械
春滿人間亦未知

三

塵沙騎馬聽溪流淡薄春風却似秋坐憶洞庭波萬頃
灘聲長在釣魚舟

四

塵土冥冥二月風寥寥天外有歸鴻松陰想見芝山路

隔浦溪花岸岸紅

清明早出城東齋

娟娟花木向春榮
婉婉黃鸝隔葉聲
冷淡一官祇自笑
五更騎馬看清明

寄景繁學士

叢筠葉葉曉風寒
喬木陰陰晝日間
要路想公無此樂
蓬萊新有道家山

舊君有竹及碧蘆數本
聞皆手植故作此詩

景繁見和再用前韻馳寄

魚飛鯨躍出波瀾獨立蓬萊縹緲間
會有清詩寄蘆竹
能無歸夢到溪山

豫章彭真人觀

藥鑪幾日就丹砂流出仙源萬里賒
及物從來多隱德
功成知不在吞霞

又

重雲隱隱即吾家竹影松陰一徑賒
坐久肺腸清似覺
遠心飛去出雲霞

一云老竹陰
陰一徑賒

奉使湖南遇雨寄叔宜

暮雲不肯破重陰祇繫萱堂夜夜心馬上北風吹淚落
細隨疎雨濕衣襟

元豐己未冬至夜萬載驛嘗有詩寄廣漢今歲
萬安驛用前韻呈廣漢友兄學士

去年萬載驛逢冬今夕萬安村驛中長笑布袍翁髮白
不知今我亦如翁

又

道途泥滑水溶溶嗟爾胡為風雨中
閉戶熟眠無一事
浮生多謝富家翁

寄道林元祐長兄

眼前百萬四千門盡與山河寄
一塵畢竟一塵還是夢
夢中無法亦無人

途中食菜戲成呈諸僚友兄

草草盤蔬村野中
簾疎祇似舊家風
貓兒雖有湖南笋

勺子即無江外松

湖南產貓兒頭笋
江南產勺子松

役兵初自鄧來戍邵因問法曹弟動靜戲成小

詩

戍卒初來自鄧州問言曾見法曹否祇云白髮青衫者
黑瘦三分似狀頭

民有金剛經風吹失所乃餘干縣也時知時與
民同見文淵兄作詩俾予和韻

諸佛當年說色空空色空已壞合還風定隨妙喜山河去
西入維摩方丈中

竹間見梅花呈都運大夫提刑學士一笑

湖外春風未到時
竹間時復見梅枝
文章不似少陵客
漫對清風無好詩

憶北堂小梅

梅與小桃相間栽
梅花應會鬪寒開
春風最慙慈親意
想得安輿暇日來

偶成

大禪痛與藤條四
林際輕彈蒿指三
皮肉枉遭人戮辱

面顏猶使我羞慚

寄檢法學士丈

長春月月與玫瑰煩近萱堂子細裁却語花開無造次
老親寒食已前來

和梅堂祖心禪師答潭州知府諫議謝凡五遣
人召禪師不往

萬里江湖一釣舟夜寒乘月過滄州投竿不比任公子
誤得驪龍亦上鉤

二

胡牀誤看碧松枝自愛壺中日月遲
冰盡煖沙眠犢子波間細雨浴魚兒

三

無絃不似伯牙琴笑教鍾期錯用心
却愛鐵牛機外語知音何似不知音

得侗書稱孟春漸暄因作一偈付愚兒侗

想見匆匆眉髮新遙知祇是舊時人
不堪侮弄彭公老

二月猶呼作孟春

讀孟子

飽食無庸近素餐
低徊還恐似墻間
黃昏一讀遺編盡
夢寐清風亦厚顏

又

洙泗三千弟子賢
行藏獨許一顏淵
先生出處俱天意
無怪公孫尚間然

次佛印韻

咫尺書從江外來紅塵心與眼俱開鹽官扇子真無用
漫得犀牛入手來

又

明明佛日在巔崖何事山嵐不肯開諸處即無甜水草
莫牽牛下雪山來

和周寺丞韻

玉津亭樹雪層層故比人間分外清恰似江南春到處
梅花一片拆園英

再和景繁韻馳寄

珠珠露綴青雲葉
漠漠烟藏碧玉枝
頻有好風驚獨寐
故留明月照相思

贈仲至

愁憂平日漫紛紛
淺俗何能補上聞
欲乞一舟江海去
聽君功業上青雲

又

倒困虛廩出珠璣
萬事從容指是非
世有賈生人未識

漫聞流涕欲沾衣

法輪院

塵塵法法總無窮
宛轉回環路路通
億萬恒河沙世界
會知都在一輪中

和粹老雲居之句

重陽不醉籬邊菊
故老匡廬訪遠公
信筆更題詩滿葉
總隨流水出雲中

二

海上句麗百衲衣天南身毒一筇枝
臥龍獨樂愁為雨
今問龐公過在誰

三

顛倒縱橫如彼何清詞麗句不妨多
維摩亦漫稱居士
木榻堪憐似老婆

四

雲中笑語覺風生摩詰今時令獨行
搔首誰能拜彌勒
皺眉却合怕淵明

和瑛師

山花時復對行舟
想笑行人易白頭
流水盡窺春燕舞
近山晴見暮雲收

二

篇章近日更騰掀
字字含容八萬門
臨水可憐人則遠
浮雲澄淡月黃昏

三

江城雙鯉得詩筒
應念勞勞夢幻中
雷電自知生有限

波瀾還悟物無窮

寄廣漢

今年萬載驛逢冬恰似淮南風雪中

赴詔時冬夜與廣漢宿舒城道中時

大雪草草盃盤渾自足笑談只欠布袍翁

己未冬至分宜道阻雨今歲冬至新喻道中亦

雨

去年冬至入分宜雨雪思親淚亦垂今日載馳新喻道
大都渾似去年時

三年七到袁州

三年把節走天涯七過宜春城上臺林下道人還一笑
雪霜重見使華來

和執中及謝檢法

天女忽忙來獻花莊嚴淨妙一何嘉兒童更少渾無著
自勝維摩長者家

又

三年不見洛陽花今日襄陽看轉嘉奔走簿書長似夢

不知春已滿人家

答侗

說禪半夜雨天花不似無言氣味嘉汝但為維摩長者
我甘作淨飯王家

又

花即是空空是花算來無惡亦無嘉凌烟老將今無事
四海車書渾一家

行舟蘆葦中

蘆葦蕭蕭吹晚風
畫船長在雨聲中
浮生厭足江湖味
好在溪邊舊釣筒

和致遠

過從准擬酒如澠
臘到春風次第生
七日風流金勝好
九霄雨露錫銀罍

君宜弟還鄱陽風雨未行馳寄此詩

鴻雁行行如弟兄
天寒故故作秋聲
江湖寂寞風雨急
今夜扁舟行未行

泛豐陵溪

繫馬却行海上濱
夜寒孤月故隨人
自憐不及溪心月
正照萱堂鬢雪新

又

溪邊置酒稍徘徊
坐看溪聲滾滾來
傳語鸕鷀與鷓鴣
暫時相見莫相猜

橋上

橋南橋北水濺濺
江海歸心已浩然
素食日慙無補報

臨流端欲問歸船

道遇施戶曹口占寄君時

陰陰作雨祇漫漫今日雖霜未苦寒
歸去襄陽見吾弟為言道路且平安

和君時弟南齋

秋陰作雨擬如何祇欲催人涕泗沱
愁絕暮蟬無限意淒涼啼咽不成歌

和君時語農者

兒女莫啼翁莫愁十分栽插十分收酒筍白蟻顏盈面
花插黃金聽滿頭

又

大田既戒歲無憂零雨其濛夜復收秬稻可惟齊馬鬣
君時云頤
已齊馬鬣聖永亦自秀牛頭君時于牛
首種聖永

和君時

形容枯槁心若灰參軍新讀法華來君時近看
法華經維摩莫

道無言說不二門庭總自開

城東謝氏園亭即席上冲元

小小林亭花竹幽
低徊似擬慰心愁
相看劇飲終無緒
坐嘆風光似水流

寄君時

綵服當年尚黑頭
鳴鐃打鼓下揚州
老來却到經遊處
一曲烟波一曲愁

又

今年秋是去年秋
自是今游非昔游
晚日西風吹淚落

逡巡想已到揚州

天寒欲雪不可出門君時在城中促庭佐來君
時東云庭佐掉頭云未來因馳寄

伯兮引領望不斷叔也掉頭云未來事事傷心無說處
終朝眼合不能開

和君時見寄

不是傷愁不作詩吾言無益亦何為肺肝欲語竟無處
惟有江頭鴻雁知

和君時叔宜睡

毋論鳥夢并魚夢一聽牛呼更馬呼
看取南柯如許事
睡時擾擾覺時無

又

莊子蘧蘧夢蝴蝶尹生昔昔睡伸呼
吾游直在諸方外
不但無憂樂亦無

和君時苦熱

窮簷祇似在蒸炊無事形疲心亦疲
惟有清談能勝熱

終朝無處不相思

和君時弟芝山避暑

避熱猶如避火攻
盡將身世隱壺中
微雲急送鹿頭雨
遠水故吹牛角風

寄叔宜弟

春風隨意自東西
可愛初春燕子飛
池外牆頭花好在
會應留著待君歸

次雲居老詩韻

西山雲霧隱蓬萊
滕閣我我亦壯哉
莫道長江空自去
一波濤起一如來

二

邊庭老将已成功
名在麟麒畫閣中
塞外牙旗歸萬馬
雲間羽箭落雙鴻

三

荆山有玉比山丘
愛玩還將木李投
掣電一機吾會得
天邊月在水中流

再和前韻

天上參差殿閣開
孤城縱望興悠哉
江湖鳬鶴多如雪
總擬將迎杖錫來

二

世間復見大威雄
把定乾坤一瞬中
郢市未能知白雪
弋人何敢望冥鴻

三

生涯泛泛寄浮鷗
老矣華簪笑未投
宛轉枕前清夜夢

還隨修水近山流

答圓相菴主人

神巫作舞乞豐年
宛轉靈場咫尺間
一雨坐令天下徧
無心隨得似雲閒

和提舉送淮長老住延壽寺

少時見說飽叢林
宴坐垂年味更深
月印夜潭非有意
雲歸秋嶂亦無心

二

非愛山林避市塵一枝安隱寄殘年新泉過作人天供
寺有新泉不用諸方五味禪

三

天地悠悠共故鄉眼前差別亦多方欲知道濟菴前路
俱是將軍舊戰場

瑛首坐訪及頒示四頌而有選佛選官俱第一
之句既賡元韻因寄求章

如夢如泡如露身簿書埋沒老埃塵上人因把詩裝點

可學寒梅賣弄人

二

馬駒元似出西江
吾姓音聲亦似龐
空乏本來無一物
珍奇新得璧雙雙

三

山河大地一無窮
總在維摩丈室中
向火一盃茶似雪
莫嫌居士沒家風

四

有頂須彌寄一塵山河全現法王身衆生與我俱無別
師亦難為第二人

答雲居佛印

不道雲居行路難臨歧留約待初寒
先煩寄語諸尊宿莫笑龐公祇野冠

又

人間六月日如丹見說雲居蚤自寒
他日遊山看蠟屐終朝臨水濯塵冠

江上

波瀾浮動月翻翻
細雨吹風忽在門
溪上酒家何處所
青燈明滅見漁邨

寄觀音能老

踏水穿雲入翠蘿
情知不戀舊時窠
巉巖頭角今須別
試比黃龍較幾多

又

縹緲烟雲水石間
生涯見說足安閒
更煩細問黃龍看

合在塵勞合在山

能老詩云僧家祇合在深山又曰待到黃龍鱗甲備

余宿鄂州崇陽縣之麻步使僕問途曰西去七

里至南樓山而余詩遂稱南樓及過山有叟

云彼南勞山余笑曰培塿之土人妄名為山

又妄名為南勞予妄問彼又妄應予又妄聽

又從而妄言是俱為一幻然山為山而已曰

南勞亦可曰南樓亦可而彼皆無所與物有

故常予亦從其舊而已因復作偈寄心師師

當為予一笑

高山人喚作南樓便作篇章說事由却得村翁親說破
南勞即不是南樓

送觀音能師去黃龍

天地悠悠共故鄉鬢毛冉冉幾星霜的然積翠家風好
行矣黃龍山路長

師與黃龍俱嗣南禪師南
嘗居積翠菴稱積翠老人

偶成

抵虛投隙廢精神世態紛紛日更新得喪是非渾一夢

不知誤却幾多人

鄱陽集卷十一

欽定四庫全書

鄱陽集卷十二

宋 彭汝礪 撰

絕句

桐柏道中見農人有戴其父謁廟者

戴天雖重莫辭勤力盡何能報一分
我有此誠嗟不待
自憐終世不如君

中伏離襄極熱老母為勸念既行日有微雲時
作甘雨因賦是詩

浮生處處托慈雲大熱清涼一變新願力更能為法雨
欲令四海總無塵

女媧廟

高山婉轉一千尋百拜靈祠淚滿襟今日幾人能似帝
辛勤長有補天心

奉招正仲

槎頭鱖熟物且旨竹葉酒清人可思臨水登高終日待
此心祇有楚山知

和正仲提舉

敗谷死灰枯木枝禪那一味說無思優曇昨夜花開了

說與維摩知未知

一本云
也未知

和舅氏和仲遊朱蘿洞

杳靄冲融烟雨間攀躋經涉幾重關洞天見說非人世
何似蓬萊海上山

二

松竹山風吹我衣溪寒細雨落霏霏琴聲髣髴窺幽趣

若到無絃意轉微

三

村北村南幾往回
雲中咫尺見崔嵬
今時不似維摩詰
指掌能移妙喜來

戲招史秘校

春風醉死百金甌
不記顛衣笑史鱗
更欲畫船留瞬息
花間一飲破離憂

謝德華惠牡丹因招同官會飲

交情淡薄愛天真親寄韶容到窶貧便乞諸公城壁飲
風前同醉一枝春

答誠之見和

塵土相欺老病身韶華似亦厭清貧且須一飲城頭晚
醉送鶯花萬里春

都官以詩求菊栽次韻謝之

新詩來乞菊花秧種植還須近宋牆待得來年花爛爛
約君顛倒醉秋香

以寒來送菊本都官復示詩見督次韻謝之

祇因霜雪妬萌芽不意新詩譙惜花
芳本無心戀貧窶
迎風爭入相公家

和庭佐韻

議論優優喜自得簿書故故來
相關夜深歸夢無羈束
繞盡南軒一席間

戊寅城上閒步因各賦詩

城外江山照眼明城頭花草弄春晴
欲歌風物無才思

須約諸公載酒行

和濟叔城上數篇

梅

城外人家梅子枝
細花欲出蒂開時
光迷路逕雪應妬
香滿幽林鶯未知

草

草色初成城上春
春風步履觀浮雲
踏青未得游人見
烟日遮藏待使君

柏

落盡桃花梅子英一枝霜雪自光榮
猛憐夜月紛紛影頻聽秋風細細聲

芙蓉

春風桃李綉朱闌更插芙蓉待薄寒
花萼未成騶從起異時空作憩棠看

侍親游池有感寄伯兄時伯兄下第南歸熙寧丙辰
身世幾何長百憂塵埃相望轉悠悠
移尊稍欲臨池飲

眼看波濤淚亦流

答佛印語

十方同是一空虛
飲啄隨時祇自如
舊日事來長是笑
而今和笑沒工夫

與佛印夜坐

紗帽筇枝髻髮蒼
笑談中夜共寒缸
諸人不用稱居士
我是彭公不姓龐

彭亦音旁

宿圓通寄佛印

丈室燈寒夜未眠竹間流水聽涓涓試看石耳峰頭月
何似雲居天上圓

次友人韻

朝車暮馬走塵埃眼疾昏眵洗不開門外柳陰清似水
十分留著待公來

二

丁寧風伯莫相催莫放船頭容易開更語水邊魚與雁
不妨日日寄書來

三

新詩清勁何所似祇以金鑣刮眼開流水上同知者樂
好風知是故人來

四

不但離腸夜九回眉頭十日不曾開田園愈更不勝說
憶賦淵明歸去來

和佛印

黃昏雲散山山雨優鉢花開處處春寶塔尋常凌宇宙

靈壇咫尺覲星辰

送雲居佛印禪師詩五首并偈

稍涉諸方問所歸自憐三十七年非師言本自無非處
渾是真如第一機

二

禪師談實不談虛亦有文章水不如自說金鑊元不用

誰云價重百車渠

杜詩云金鑊刮眼膜價重百車渠

三

翠藤老木抱千山行色歸心各等閒恰似白雲多自在
不同飛鳥倦知還

四

細磨密衲作袈裟曲水遙岑宛轉花海外梯航輸佛土
日邊絨繡賜禪家

高麗進磨衲
袈裟上以賜師

五

百花衆寶細莊嚴不是青州舊布衫滿載天香浮遠水
遙分春色下層巖

偈

佛印電目海潮音

陳舜俞記云巖頂而電目海口而潮音者雲居師也貌古瘦瘁

如孤松心已了達諸佛相酬酢縱橫無滯碍以大慈悲
為演說登闡沉幽度衆生至第一義而不傳而無一義
不傳者我今焚香讚嘆禮十方國土即聞知願師與我
及衆生一切長在真實地

熙寧丁巳蜡祭致齋玉津東園雪中與監禮辛

老學士同游西園

上苑亭臺看雪飛清寒十倍勝常時臘深梅蕊爭先出
風急楊花忽倒吹

二

地禁蛟龍藏玉宇天寒鳬雁浴瑤池人間合有豐年頌
不祇梁園漫賦詩

三

天上春風破雪回好花萬點鬪先開情知歲有元豐瑞
合得君王暇日來

四

落雪縱橫映步趨分明身世在蓬壺天家自與人間別
祇種瓊花十萬株

五

藝祖不嫌宮室卑神孫今不剪茅茨太平風俗終還厚
長似唐虞夏禹時

六

飄飄亭觀貼雲浮知是蓬瀛第幾洲天子焦勞游樂少

池臺魚鳥自悠悠

北軒

浮萍滿載江湖興
翠柏長聞金石音
丈室寥寥塵外事
相看真不異山林

丈室

一似維摩萬丈居
俱無未足亦無餘
忘言自看恒沙水
却笑臨川苦羨魚

碧蘆

碧蘆滿眼送清秋。瀟洒憐君似退休。一夜高風搖翠玉。
五湖歸夢落漁舟。

仲至遷居同曾家西巷在蔡河之北也

不是山林非市朝。槐陰滿眼送蕭條。公行已在青雲上。
乃肯吾隣共寂寥。

二

里巷吾真孟母鄰。齏鹽知不笑清貧。風雲祇恐公飛去。
那肯淹留寂寞濱。

三

陋巷本非朝市喧亦無車馬到吾門清風對客忘朱夏
流水令人思故園道曲柳陰低白晝天涯月色照黃昏
一官彼此多閒暇萬事從容欲細論

和元忠早春

雨細風開草葉長烟深日著柳梢黃幽人對物心千里
玉塵珠絃寶鴨香

和初夏

淺水池塘蓮葉香紅塵道路柳陰長黃梅雨裏欄干濕
翠柏風吹襟袖涼

答雲居佛印禪師

江湖范蠡扁舟上巾履維摩丈室中每愛師如蓮出水
却嗟予作鳥窺籠

奉使丹陽途中雜言

黃鳥頻來傍水飛杜鵑何故向人啼短亭尚見臨漳在
新水蒼茫路欲迷

北風

北望南淮雲更遮
別離始覺路為賒
深林青杏還爭熟
淺水紅蓮亦自花

夏景

朱明猶自有春天
野色逢迎定洒然
蕉葉莫虛停酒盞
杏花頻委寄詩牋

浮雲

定向郵亭夢渚亭
天涼莫放酒魂醒
浮雲不出月明白

急雨忽來天晦冥

感懷

白頭朱紱照銀魚
自笑名塗底屈紆
見說近來隆簡素
平飛萬里看鵬圖

詠柳

柳色溪頭相照深
詩翁收拾寄清吟
晚風吹散千絲縷
巧繫游人夜夜心

榆錢

林外溪頭榆筴錢風吹箇箇一般圓
渾疑萍葉輕分去
恰似苔花碎接連

與廣漢舜山寺分題得申字

溪山幽隱一間身憔悴今隨逆旅塵
南國浸遼愁似織
北音不至別如新

鳴珮

鳴珮即朝天北闕杖藜且徧水雲山
周爰所得知無限
更有新詩滿篋還

和都官看雪

孤城帶雪望天涯
瀟灑風情自一家
景物尚嗟春意滿
雨枝零落不成花

又

朔風吹雪落雲端
臘意春容盡苦寒
收拾濁醪成一醉
悵無絲竹借餘懽

梅子

道上人家梅子枝
背春還復葉離離
詩翁觸物俱歸思

不用風前叫子規

浮漚

物物自然非所憂
笑君嘆息及浮漚
恨無清麗驚人句
盡破淒涼滿目愁

藏舟浦

花明肥上藏舟浦
水照淮邊夢蝶臺
千里悠悠各春色
可嗟無計共尊罍

愁思嶺

少狂千兔禿詩毫醉看真珠酒滴槽白首不堪論往事
清尊祇可慰徒勞

板橋

西山曲折北溪橫百里中無十里平道路雨餘多可喜
高田一半有秋成

和仲子中謝寄福州荔園

五月南州荔子花道山香靄路岐賒誰將長樂陳生筆
寫寄於陵仲子家

琴渚

自有澄波照眼明
偶題琴渚亦強名
今君應得絃歌趣
願聽漁樵一曲成

子育見冰開因去雄州南池想亦泮矣

應是南湖冰已開
雲中想見小蓬萊
東君且莫催花發
留待朱顏使者來

到雄州不得家書

馬頭不是病風埃
相別相望眼不開
祇有瓦橋書可附

何緣不寄一聲來

馬上據鞍熟睡

橫槊賦詩人健殺據鞍著睡我閒生芭蕉居士身猶健
蝴蝶莊周夢不成

再和子育

殊方無處問平安悵望衡陽雁未還歸馬不知山遠近
北山未盡過南山

婦人面塗黃而吏告以為瘡疾問云謂佛粧也

有女天天稱細娘

俗謂婦人有顏色者為細娘

真珠絡髻面塗黃華

人怪見疑為瘴墨吏矜誇是佛粧

望雲嶺自古北口五十里至嶺上南北使者各

置酒三盞乃行

今日日如昨日日北方月似南方月天地萬物同一視
光明豈復疆域別更遠小人褊心肝心肝咫尺分秦越
二

投老不堪行路難衰遲久合老田間雪霜一意催蓬髮

塵壒多方汚病顏

三

白首功名意已闌
正如飛鳥倦知還
蒼茫杳靄雲深處
說是燕然舊勒山

四

朱顏使者黃金帶
鐵面將軍紫綬袍
會道因緣非一日
忘懷彼是即忘勞

五

五更風雪霽層霄殘月寒星共次寥道路長如之字轉
邊人能以近為遙

記使人語呈子開侍郎深之學士二兄

往來道路好歌謠不問南朝與北朝但願千年更萬歲
歡娛長祇似今朝

黎陽大佛高七十尺和穎叔侍郎韻

百千妙法寄微塵更向人間見大身何怪黎陽七十尺
當時廣倍百由旬

途中作

清晨四句偈
午夜一鑪香
有見即心境
無時非道場
邈遐初一致
彼是兩兼忘

記京中伶人口號

伶人作語近
初筵南北生
靈共一天
祝願官家千萬歲
年年歡好似今年

再和子育韻

使者東來說
契丹翠輿却自上京還
綉旗鉄甲兵三萬

昨夜先朝木葉山

木葉山契丹九廟所在

二

日夜歸心折大刀
羔裘貂鼠豈無袍
利名畢竟擬何用
身世由來空自勞

三

玉立風生供奉班
少時綠髮照行間
今年大半成霜雪
莫把青銅照面看

四

朔風吹雪著人寒行盡千山復萬山旅思鄉愁兩無奈
不須詩債更相關

五

夜寒燈火照長宵祇有塵編慰寂寥南北可憐身汎汎
夢歸亦苦路遙遙

長垣路中寄同官

七十餘里未百里一百二程今兩程更遠此身須會到
長垣明日是危城

晚風

晚風吹月上天涯一夜光寒獨自知
始信花開俱有意
可言雲淡獨無思

次文淵兄韻

風雨正開棠棣枝
塵埃復隔老萊衣
南北分人心欲碎
不堪頻望白雲飛

同文淵夜坐懷伯兄

月外征鴻自北飛
溪邊流水亦東歸
相思欲往還多畏

自笑浮生事事非

寒食日李卿仲求宴芝山劉丞子先以詩獻李

卿坐客皆和

急雨不聞枝上鶯春風祇度管絃聲花梢日擁千兵出
柳葉低遮五馬行

清明之游子先不與仲求有詩寄之使某次韻
天上歸鴻林外鶯去留各自有離聲須知野竹山花拙
不會遲留縣尹行

又

誰學枝頭百轉鶯故臨風作斷腸聲欲遲游騎從容住
還惜征車取次行

晚行林外兄弟相率賦詩

苒苒秋風吹我衣留連清勝夜忘歸眉橫雲外新蟾上
雪落林梢白鷺飛

又

碧竹侵雲一萬竿挾書時此共盤桓湘沅見說官期迫

預惜朋游別去難

汴上呈祖道

扁舟日夜去程諳
道路應須笑我貪
月照病身猶汴北
風吹歸夢已江南

又

扁舟暮宿水聲中
夢入滄浪狎釣翁
柳葉繫船留夜月
蘆花吹笛倚秋風

和祖道京淮道中

馬頭一日對青山萬里歸心插羽翰
暮雨晚晴風轉急
京淮亦自苦春寒

和祖道募耕者赴西北

朝廷今日重農耕
勸募招懷有度程
四海田疇須墾闢
萬箱菽粟看流行

舟中載芍藥數本

數枝分得廣陵春
行李相看意亦親
風急吹香渾似舊
露濃染色更爭新

又

御衣黃淡名先貴
禪子紅多格已塵
歸去欲為圖畫看
却嗟無似趙昌人

御衣黃禪子
紅皆芍藥名

和穎叔游宗華并一絕奉呈

回環萬竹鎖烟霞
步履遲留問故家
我向利名心最薄
青雲合得舊生涯

和游雙泉

投明一雨見年豐
此樂知君與我同
左右水聲長不絕

却疑身在釣船中

二

薄疑身世近蟾宮
步武虛涼在在同
山色遠追詩句上
泉聲雙落酒卮中

三

松柏疎疎吹晚風
清涼分與衆人同
泉聲出自塵埃外
更在千崖萬壑中

過石頭鎮寄文淵

父陽却度石頭溪萬事傷懷欲淚垂謝氏游山行著屐
嚴公送酒立還詩

子過石頭鎮知江州施
兵部送酒以詩謝之

又

容顏不少如前日景物猶多似舊時匹馬膽相無盡意

雙泉想像不勝悲

治平中文淵尉新建解宇在石頭子
登第過之少年父母俱存其游甚樂

後十四年交喪所天俱白髮衰矣文
淵持服予以使車還石頭因作是詩

西山道中

行盡鍾陵西北山籃輿恣意取峰巒明朝未必無風雨

便潑浮雲子細看

臨江驛中庭有大柏因寄穎叔

林麓山頭屋數椽中庭翠柏上參天
廟廊豈不須梁棟偶置荒幽亦偶然

永興道中有感

古人何計亦何思世俗紛紛錯自疑
天地百年俱夢幻可能于爾較毫絲

承示及寄提舉大丞相高韻大丞有三點明星

半輪月之句因次元韻

三星半月露孤圓
天地秋深夜氣閒
光遍三千大千界
即非內外及中間

舟行

長恨城中不見山
舟行飽滿看孱顏
數家樵舍波瀾上
十里鍾陵烟靄間

雨霽

荷花十丈出塵埃
鷗鳥雙飛近酒杯
雨霽黃雲收拾盡

青山還會逐人來

月夜

江湖秋夜月紛紛
溪水吹風作簟紋
漁父疑如傲世者
孤舟吹笛入青雲

宿舒州境上

江淮五月水涵涵
稍繫扁舟宿翠嵐
半夜月明風轉北
五湖歸思滿雙帆

雨中望皖公山不見因寄提舉馬大丞

泊舟欲近皖公山山在青雲烟雨間蒼翠不容塵俗見
祇應留著待公還

粹老久有
居舒州意

又

啼猿飛鶴近孱顏想見仙翁步屨還賈誼行須對宣室
謝安未用憶東山

運使仲謀去年冬入鍾陵後八日子有鄱陽之
行至仲春壬子歸後七日仲謀有廬陵之行
至孟夏戊申歸前端午一日子有丹陽之行

書呈運使仲謀丈

游從每笑未經旬，祇有為僚分已親。
自古論交何待久，白頭往往却如新。

寒蘆

長蘆一片倚江皋，疊葉低枝壓怒濤。
晚風吹雨急蕭騷，晚霧蔽雲寒慘澹。

泊真州新河亭

鬢毛垂雪欲毵毵，道路風波老不堪。
繫纜短亭聊自慰，

青山數點見江南

游真州東園惜其將廢運使兵部子正近止因

寄小詩

驩聲忽自滿江淮知是公車匪日來霖雨會當蘇歲旱
薰風正欲長民財

二

公才酬酢有餘閒六路從容指顧間仁澤但令民共樂
不妨清賞遍江山

三

不見當年花木春
丹青臺榭欲荆榛
簿書到日應無事
會與江山作主人

四

淶水荷花一片開
池塘終日少塵埃
鷓鴣鵲鵲無窮喜
總擬將迎畫舫來

登山亭


亭見江南山

孤亭疊石入雲間
盡見江南近北山
羈旅此身長擾擾

不知飛鳥會知還

移舟泊通濟亭

隔溪楊柳綠
蔭蔭晚色遲
遲認夕嵐細
雨亂山渾不
見
漁燈數點照沙南



鄱陽集卷十二